

Na osnovu člana IV.4.a) Ustava Bosne i Hercegovine, Parlamentarna skupština Bosne i Hercegovine, na __. sjednici Predstavničkog doma održanoj __. __. __. godine i na __. sjednici Doma naroda održanoj __. __. __. godine, usvojila je

**ZAKON O IZMJENAMA I DOPUNAMA
ZAKONA O MINISTARSTVIMA I DRUGIM ORGANIMA UPRAVE
BOSNE I HERCEGOVINE**

Član 1.

U Zakonu o ministarstvima i drugim organima uprave Bosne i Hercegovine („Službeni glasnik BiH“ br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13, 19/16 i 83/17), u članu 7., u prvom stavu, iza devete alineje i riječi: „- Ministarstvo odbrane“, briše se tačka, stavlja tačka-zarez i dodaje nova alineja koja glasi: „- Ministarstvo zdravstva“.

Član 2.

U članu 15. u drugom stavu, prvoj tački, riječi: „zdravstva i“, brišu se.

Član 3.

Iza člana 15a., dodaje se novi član 15b., koji glasi:

„Član 15b.

Ministarstvo zdravstva nadležno je za:

- razvijanje sistema kvalitetne zdravstvene zaštite u Bosni i Hercegovini;
- praćenje savremenih dostignuća u razvoju zdravstvenih sistema u državama evropske unije i usklađivanje zdravstvenog sistema Bosne i Hercegovine sa njihovim standardima i normativima;
- zaštitu javnozdravstvenog interesa;
- efikasno upravljanje finansijskim resursima u zdravstvu;
- planiranje, koordinaciju i preduzimanje mjera u cilju osiguranja kvalitetnih, sigurnih i efikasnih lijekova i korištenja lijekova i medicinskih sredstava u sistemu zdravstvene zaštite;
- poslove iz oblasti zaštite od zračenja i radijacione sigurnosti i upravljanje medicinskim otpadom;
- analizu i praćenje zdravstvenog stanja i zdravstvenih potreba stanovništva;

- planiranje i primjenu zdravstvenih tehnologija u zdravstvenim ustanovama;
- evaluaciju rezultata implementacije zdravstvene politike i zdravstvenih strategija, planova i programa;
- korištenje zdravstvenih potencijala;
- zdravstveno-inspekcijski nadzor nad radom zdravstvenih ustanova i zdravstvenih radnika te privatnom praksom; te
- druge poslove i zadatke koji nisu u nadležnosti drugih ministarstava BiH, a srodni su poslovima iz nadležnosti ovog ministarstva.

Član 4.

U članu 29. u prvom stavu, iza riječi: „Ministarstvo civilnih poslova“, briše se veznik: „i“ i stavlja se zarez, a iza riječi: „Ministarstvo vanjskih poslova“ dodaju riječi: „i Ministarstvo zdravstva“. U istom članu i stavu, iza broja: „8.“ briše se veznik: „i“ i stavlja zarez, a iza broja: „15.“ dodaje veznik „i“ i broj: „15b.“.

Član 5.

Ovaj zakon stupa na snagu osam dana od dana objave u „Službenom glasniku BiH“.

Predsjedavajući
Predstavničkog doma
Parlamentarne skupštine BiH

Predsjedavajući
Doma naroda
Parlamentarne skupštine BiH